

alle geringe Metallen verbesserten Stein/figiret werden.

37. Ein wunderbahrlicher Magnet/ welcher auß allen wasserigen liquoribus / oder oliteten wann er hinein gelegt wird / das Wasser zu sich ziehet/ vnd also die olea, dadurch reiner / subtiler vnd durchdringender werden. Vide Eliam Antistam in quarto.

38. Durch diesen Magneten/ kan auß einem spiritu vini, wann er gleich auff das allerhöchste rectificiret worden/ vnd ganz vnd gar weg brennet/ vnd keine Feuchtigkeit zu rück läßt / dannoch durch diesen Magneten die Helffte ungeschmack Wasser darauß gescheiden werden/ vnd der Spiritus vini, wann er also seines Wassers entbunden ist grosse Dinge verrichten kan.

39. Dieser dephlegmirte Spiritus vini, wann er über pulverisirte rothe Corallen gossen / vnd davon abstrahiret wird / so führet er die rothe tinctur mit sich über den Helm / ist ein gewaltiges Cordiale, vnd Sanguipurgans.

40. Also kan man auch durch diesen Spiritum vini subtilissimum die Perlein solviren / vnd ihre Herz stärckende Krafft überführen / vnd solche an statt der krafftlosen Magisterien gebrauchen lassen/ francke Menschen darmit zu laben.

41. Diese quintam Essentiam vini, auff rein gewaschene Hünner. Eyer. Schalen gossen/ solche damit